



MEDICAMEN-
TORVM OFFICINIS
Pharmaceuticis Reip. Augusta-
næ vſitatorum.

CLASSIS DECIMASEXTA.

OLEORVM SERIEM
Complectens.



O L E V M
Absinthii.

℞ Olei Omphacini libras tres.

Comarum Absinthij.

Succi ejus. ana. vncias quatuor.

Rosarum rubearum vnciam semis.

Macerentur diebus quindecim ad solem, aut
in

in loco aliquo calido, deinde in duplici vase coquantur ad succi consumptionem. Postea abiecto priori Absinthio rerecens aliud sinijcito, rursusque per quindecim dies macerato: deinde simili modo coquito & exprimito, ac tertium id iterato.

Calefacit & refrigerata roborat, praesertim ventriculum. Cibi aviditatem excitat, obstructa leuat, lumbricos necat, frigidis ventriculi affectibus mirifice conducit, flatusq; ibidem conceptos dissipat.

Cum Absinthium nostrum vix quidquam adstringat, nos autem Absinthio Pontico vero careamus, ideo Rosas in compositionem hanc adiecimus, ut adstrictionis quae Absinthio nostro deest, defectum suppleremus.

OLEVM ABRO- tami.

Paratur ex trinâ recentis herbæ in Oleo infusione, maceratione, & decoctione.

Adhibetur ad producendos pilos, & in eorum defluvio cum Labdano & vrsæ pinguedine glabris locis illinitur.

OL.

OLEVM AMYGDALARVM DVLCEVM.

℞ Amygdalarum dulcium siccarum, non-
tamen rancidarum, cortice membra-
noso purgatarum quantum voles.

Contundantur minutissimè, postea in sarta-
gine aliquantulum torrefacias. Tandem præ-
lo exprime.

EO utimur ad gutturis, faucium, bronchia-
rum, & spiritalium paruum asperitatem
leniendam vel per se, vel adiecto Saccharo præ-
sortim Candi Violato. Duritiem omnem ac sic-
citatem articulorum corrigit, cutem erugat, sca-
bra & aspera polit, tensa emollit, renitentia dige-
rit & complanat. Phthisicis & Atrophia labo-
rantibus ac consumptis utile, alimentum enim
humidum & lentore mediocri diuturnum præ-
stat, extenuatum corpus reficit ac impinguat.
Calore est temperatum, humidog, secundum or-
dinem attingit, quo nomine intemperiem omnem
sedat, ac semen genitale promouet. Vteri, vesti-
cie, & vrine ardores mitigat. Colicos ac Nephri-
ticos cruciatus cum pari portione Olei Amygda-
larum amararum mirifice lenat. Partuum labo-
res torminosos discutit, lenit, tandemq, propul-
sat, & inunctionum sola est materia qua foetus
laboriosos educunt. Nephriticis & lori acrimo-

nia

nia laborantibus per syphonem iniectum tepidum
mirè confert, intemperiem omnem moderata sua
substantia profligans.

OLEVM AMYGDALA- RVM AMARARVM.

Fit vt Oleum Amygdalarum dulcium.

Primo ordine calidum est, humido & sicco
temperatum, calefacit, attenuat, incidit &
digerit, unde aurium tinnitus ac flatus & crassa
& frigida materia ortos dissipat, auditumq; fri-
gore obtusum restaurat. Obstructa expedit, cu-
tis maculas & asperitates tam reliquarum par-
tium, quam faciei (quas Ephelidas & Panos
vocant) exterit, manantia capitis ulcera fufu-
resq; ex vino deterget. Nervorum affectus frigi-
dos, duros, & dolentes calore tenuante ac dige-
rente sanat. Amarore lumbricos necat, & frigi-
dis uteri malis prodest. Vulvarum dolores, stran-
gulatus, conuersiones locorum inflammationes
suppositum sanat. Capitis dolores instillatum se-
dat. Urina angustis pubi illitum, calculosis re-
num vitis, stranguriis in fistulam vrinariam
immissum medetur. Suspiriosis, Lienosis, Iecino-
rosis, & Tabidis subuenit. Easdem penè omnes fa-
cultates commemorat Plinius lib. 23. cap. 4.

Fit eodem modo Oleum ex nucleis Iuglan-
dium, Pistachiorum, Pinearum, Auellanaarum,

R. 5

Per.

Perficorum. Item ex feminibus & granis.

VT POTE OLEVM.

Hyoscyami.

Papaueris.

Lini.

De Chervâ, id est Ricino.

Balaninum est Balano Myrepfica.

Sesaminum

Nucum.

De Cartamo.

Ex Synapi.

Ex granis Citri, & similibus.

OLEVM ANETHI- num.

Oleum Anethinum fit ex floribus & foliis Anethi, ac Oleo veteri claro, eodem modo, quo Rutaceum Oleum.

A Nodynum est, tumores crudos concoquit, resoluit & laxat. Somnum conciliat, rigorem febrilem spine & partibus nervosis accessionis initio illud euincit. Cephalalgiam mitigat, veteri durities emollit, menstrua prouocat & vulvarum casus ferè omnes componit. Acopis familiare lassitudines discutit, dolores articulorum subleuat, venarum spiracula laxat, calefacit & emollit, nervis gratum, ac convulsionibus ann-

OL.

OLEVM AVELLA- narum.

DOlores nervorum & Arthriticos sanat, teste quoq; Manardo, Alij ad venena ac morsus serpentum valere contendunt.

OLEVM BALANI- num.

TErget, expurgat, obstructa liberat. Auri in-
iectum tinnitui & surditati confert. Stru-
mas, hepatis & lienis scirrhum emollit ac digerit.
Affectibus frigidis nervorum & juncturarum,
Spasmo & Arthritidi medetur. Alphos, lentigi-
nes, varos, maculas, cicatrices nigras, & reliqua
foeda cutis vitia corrigit. Aluum potu soluit, sed
stomacho aduersatur.

OLEVM BALSAMI, PE- tri de Ebano.

℞ Myrrha,
Aloës,
Spicæ Nardi,
Sanguinis Draconis,
Thuris,
Mumiæ,
Opopanacis,
Carbobalsami,

Bdellij,

Bdellii,
 Ammoniaci,
 Sarcocollæ,
 Croci,
 Mastiches,
 Gummi Arabici,
 Styracis liquidæ ana. drachmas duas.
 Labdani.
 Castorei. ana. drachmas duas semis.
 Moschi drachmam semis.
 Terebinthinæ ad pondus oranium.

Tritis conterendis misceantur, & alembico destillentur.

B *Alsamum* hoc artificiale veri Balsami penuriam substituit, efficacia enim propemodum ad singulares Balsami vires accedit, atq; id potissimum, quod hoc loco descriptum, ab omnibus ferè Chirurgis vulgò usurpatur. Hoc miscebat Apennensis Theriaca, Mithridatio, Diacurcuma, & Aurea Alexandrina, eoque veri Balsami defectum restituebat. Tenuium partium est, calefacit, exsiccat, & glutinat, quamunia Chirurgis in curandis vulneribus magnopere expetuntur. Nervorum vitij, Paralyti, ceterisq; noxis frigidis spina illitum confert. Quod si item repositum in unguentis ante febrium accessionem, rigores mire subleuat, cordis tremorem, palpitationem, ac Syncopen sanat. Hæcicos & emaciatos impinguat

addito

addito Rhodostagmate occipiti & renibus illitum. Vteripresocationes & strangulatus iuuat. Comitibus plurimisq; aliis affectibus subuenit. Tristes, Melancholicos, ac animum despondentes reficit, nec non cadauerum putredinem vindicat.

Cinamomum pro Ammoniaco ex aliis exemplaribus addidimus, Fuchsius tamen id usurpat. Multas alias descriptiones reperies apud Fœsium & Fuchsiū.

OLEUM CHAMÆMELINUM.

Oleum Chamæmelinum siue Chamomillæ fit ex floribus Chamæmeli, & Oleo veteri claro. Siccentur flores in umbra viginti quatuor horis: deindè eos immitte cum Oleo in vas vitreum angusti oris benè obturatum, & quadraginta dies insolato.

Phlegmones mitigat, moderatè resoluit, fluxiones cohibet vi sua modice astringente, ideoq; Colicis, Articulis, ceterorumq; dolorum initius salubre est. Lassitudines iuuat, dolores sedat ac lenit, tensa, laxat, febres discutit ac dissoluit: præsertim quæ stipata cute proueniunt: hypochondriorum tensionibus vitale capitis dolores leniat, meatus namq; laxat, vapores discutit & a-

astri-

acrimoniam temperat. Acopum est & Anodynum, ideoq, non temere in incipiente initio Colici cruciatus. ut quæ sunt à flatibus distensa relaxentur ac emolliantur.

OLEVM DE CAPPARI- lus.

✶ Corticis rad. Capparum vnciam vnam.

Corticam Tamarisci,

Foliorum Tamarisci,

Seminis Agni Casti,

Ceterach,

Cyperiana. drachmas duas.

Rutæ drachmam vnam.

Olei maturi libram vnam.

Aceti albi fortis,

Vini albi ana. vncias duas.

Trita leuiter coquantur in duplici vase vsque ad consumptionem Vini & aceti.

Lienis tumores duros ac scirrhosos adiuuat, eiusq, obstructionibus valde est familiare.

OLEVM CAR- tami.

Obstracta liberat tergetq, ideo morbo regio ventriculo dolenti, & colo. confert. Thoracem ac pulmonem expurgat, & vocem clariorem reddit.

OL.

OLEVM CASTOREI, Iacobi de Manliis.

Castorei,
Syracis Calamitæ,
Galbani,
Euphorbij,
Cassia lignæ veræ,
Croci,
Opopanacis,
Carpobalsami, aut Cubebarum.
Spicæ Nardi Indicæ,
Costi. ana. drachmas duas.
Cyperi,
Schoenanthus,
Piperis longi,
Nigri,
Sabinæ,
Pyrethri. ana. drachmas duas semis.
Olei libras tres.
Vini odoriferi libras duas.

Confice sic: Galbanum & Opopanacem in
Vino seorsim dissolue, deindè reliqua om-
nia contusa cum Oleo & Vino coquito
in duplici vase ad consumptionem Vini. Po-
stea cola, ac dissolutum & expressum Gal-
banum cum Opopanaco Oleo affunde, & i-
terum coque sufficientèr, ac repone, sæpius
mi-

miscendo in posterum, vt Galbanum & Opopanacum in vâsis fundo subsidientia Oleo commisceantur.

V Alet ad omnes nervorum & cerebri offensas frigidas. Tetanum, convulsionem, tremorem, ac Paralysem sanat, rigores acerrimos & frigora februm sedat, spina dorsu illitur.

OLEVM DE RASIS.

A Rticulariis morbis prodest, terget & expurgat. Calculum à renibus ac vesica pellit; pannos faciei, lentigines & cetera fœda cutis vitia delet. Efficacius est quod è nucleis Cerasi sylvestris paratur.

OLEVM CHEYRINVM Mesuæ.

Oleum Cheyrinum fit ex Leuco ijs luteis, hoc est, ex Cheyris Citrinis, & Oleo veteri claro, vt Rutaceum Oleum.

C Alidum est temperatè, tenuat, lenit, ac digerit. Suppositū dolores ex flatibus è materia frigida & pituitosa mitigat, ventris torminibus modicè succurrit, nervorum & iuncturarum dolores leuat. Thoraci, pectori, vesica, ac renibus cōfert, Menses prouocat, vteraque suffocationi medetur, lumbricos interimit, partum faciliat, Arthriticis demum ac resolutis auxiliatur.

OLEVM

OLEVM E GRANIS

Citri.

A Rthritico dolori ac succedenti tumori conducit, calculum vesicæ & renum detrudit. In pestilenti statu Alexiterium optatum: lumbricos enecat potum, aut litum.

OLEVM COSTINVM

Mesuæ.

Costi amari vncias duas.

Cassie lignæ veræ vnciam vnam.

Summitatum Sampsuchi vncias octo.

Vini quantum sufficit.

Olei Sesamini libras tres.

Trita macerentur biduo, deinde coquantur in duplici vase ad Vini consumptionem.

V Ehementer calefacit, ideoq; nervorum ex frigore iniuriis propellit. Paralyti confert, nervos roborando, ventriculum, musculos, tendines & ligamenta confirmat, & obstructa aperit. Spina illitum febrilem rigorem mitigat, capillos tenacius affigit, ac mucoso humore canitiem accelerante consumpto eam moratur.

OLEVM E CROCO.

Mesuæ.

Croci vnciam semis.

ss

Myr-

Myrrhæ electæ drach. duas.

Aceti quantum sufficit ad macerandum,
diebus quinque.

Cardamomi drachmas quatuor semis.

Olei vncias nouem.

Crocum & Myrrham diebus quinque mace-
ra; die sexto adde Cardamomum, seprimo cū
oleo coquantur igni lento ad acetī consum-
tionem.

Neruos ac vterum roborat, eorum dolorem
sedat, conuulsiōni & vteri noxīs
confert, durities dissipat, nec non corpori colorem
viuidum præstat.

OLEVM CYDONIO- rum, Mesuæ.

¶ Cydoniorum non excorticatorum,

Succi eorundem ana. vncias sex.

Olei Omphacini libras tres.

Omnia in vas vitreum obturatum immittito,
& diebus quindecim insolato. Deindè horis
quatuor coquito in duplici vase, cola, & ex-
prime. In expressione caro & succus re-
noueñtur. Rursum insoletur, coquatur & ex-
primatur, id sic tertium iteratō. Postremò co-
latum reconde, ne perspiret.

Melinum Dioscoridi dicitur, stringit & re-
frigerat. Ad ventriculi & iecoris imbecil-
litatē.

litates utile, ventrem totum inferiorem ac nervos laxos cogendo roborat, retentricem partium facultatem firmat, stomachum in vomitiones effusum in se cogit. Venti defluxionibus infestato, Lienteria, Diarrhoea ac Dysenteria medetur. Spineillitum & thoraci, sudores immodicos & diaphoreticos cohibet.

OLEVM DE ENULA,

MESVÆ.

✚ Radicum Enulæ contusarum, Succij eiusdē,
Olei Sesamini ana. libram semis.
Vini odoriferi vncias tres.

Fiat vt oleum Myrrinum.

Calefacit, tenuat, digerit, ob id affectibus nervuorū, uteri, & vesicæ frigidis prodest. Februm quoque rigori, & colo à flatibus dolenti medicatur.

OLEVM EX EVPHOR-

BIO, MESVÆ.

✚ Euphorbij vnciam semis.

Olei Cheyrini vncias quinque.

Vini odoriferi tantundem.

Coquantur in duplici vase ad vini consumptionem.

Hemicranicis, Cephalalgicis & Lethargicis adhibetur, & naribus ad discutiendū viriū immittitur. Epispasticis medicaminibus utilitē

§ 2

ad-

admisceatur : præstantissimum enim attrahendo est remedium in frigidis noxis, siquidem tenuium partium est. Alopecias, & capillorum defluxia sanat. Incoxariis inueteratis, ac profundis articulorum querolis ex alto euocandis laudatissimum remedium. Calidius & Siccus Oleo de Piperibus, ideoq; non nisi vehementer frigidis vitiis adhibendum. In aurium tinnitu, sibilo & hebetiore sensu ex frigidityte contracto tepidum adhibet Galenus 2. Compos. Medic. localium.

OLEVM FORMIGARUM, Nicolai.

Formicarum alatarum quantumvis.

Olei quantum sufficit.

Macerentur æstate ad solem diebus quadraginta, postea excolatum Oleum reponere.

Eo partes generationi dicatas ad Venerem concitandam impregnationem promouendam inungunt.

OLEVM HYPERICI.

RICI.

Summitatum Hyperici cum floribus ad maturitatem seminis ferè accedentium uncias tres.

Macerentur in vino odorifero tribus diebus & noctibus: bulliant deindè in duplici vase obturate orificio yasis. Postea exprime & rectifie

centis Hyperici par pondus iniice, ac iterum macera, coque & exprime tunc etiam tertio recens Hypericon adde, ac si vinum minuat, adde aliquid; Postmodum admisce.

Terebinthinæ claræ uncias tres.

Olei veteris clari uncias sex.

Groci scrupulum vnum.

Coquantur in duplici vase vsque ad consumptionem vini. Postea exprime, & à sedimento purgatum Oleum repone.

Calefacit & siccatur, essentiaq, est tenuis, unde ad omnes dolores à frigido contractos adhibetur, & Anodynum existit. Ischiadicis præterea & varicibus utiliter adhibetur: contra dentium dolorem. Podagram, Chiragram, articulorumq, dolores salubre remedium. Nervorum puncturis & vulneribus efficax est, & illius ac feru conuulsiones prohibet. Ambustis cicatrices ducit, & vulnera glutinat.

OLEUM IASMINI- num.

Fit ex floribus Iasmini, & Oleo veteri claro, vñ Oleum Rutaceum.

Frigidis affectibus non obscurum adfert remedium, unde partibus calefactionem & relaxationem desiderantibus utiliter exhibetur. Chamamelino aut Cheyrino viribus proximum.

SI 3

OLE-

OLEVM IRINVM, Mefuæ.

Radicum Ireos libram vnam.

Florum eiusdem libras duas.

Macerentur in decoctione aliarum radicum.

Ireos quantum fufficit. Adde

Olei veteris libras duas.

Coquantur in duplici vafe & exprimantur, radicesq; nouæ cum floribus immittantur: coquantur denuò, & terriò. Colatum feruato, ac obturato.

Vim habet excalefactoriam & emollientem, roborat, tenuat, refoluit potenter, tergit, concoquit, maturat, & alta penetrat, conuulfionibus efficax, aurium fonitus tollit, quæ in thorace funt & pulmone concoquit. Asthmaticos inuat, tuffim compescit, strumas diffipat, aliosq; tumores duros hepatis & splenis, articulorum dolores & durities emendat: facit ad intestinorum tormina ac Ileicruciatus, naribus illitum de stillationibus & Oxenis medetur. Datur iis qui Cicutam, Coriandrum, aut fungorum venenum hauerint, præsentiffimo Alexipharmaco.

OLEVM IUGLANDIUM.

Flatu crassos diffipat, tumores discutit neruis

nis attritis præsertim cum Calce lotâ conferi, ac scabiem exterit. Quidam Gangrenas, Agilopas, & Carbunculos eo per sanant. Exprimendum porro è nucibm vetustis ac rancidis, & tum ad latos lumbricos, & aurium sibilos efficax creditur.

OLEVM E LIGNO IV- niperi.

Fictile vas in terram fodiatur, supra id aliud fictile angustij orificij inuersum ponatur, recentibus Iuniperi lignis minutim incisis plenum: cui subducatur lamina ferrea foraminibus peruia, vt destillet liquor, & ne segmenta ligni delabantur. Benè autem aptentur, ac luto Chymico circumlinantur fictilium orificia, ne quidquam expiret. Postea inferius fictile vsq; ad collum superioris obruito terra, & facto pauimento ignem circâ & suprà fictile superius accendito, atque ardere aliquot horas finito. Postremò liquorem destillatum auferro.

Valeat ad impetiginem, serpiginem, Cancrum & maligna crurum ulcera. Curis sceditates eluit. Id quidam cælo Pestilente efficaci amuleto usurpant. naribus ac temporibus eo inunctis.

Eadem ratione fiunt alia Olea ex lignis vt è Ligno Sancto, & aliis præsertim pinguib;

& succosis item Fructibus, Baccis, Seminibus, quo modo per descensum Olea extrahi Chymistæ dicunt.

OLEVM E IVNIPERI Baccis.

Oleum è Juniperi baccis elicetur per artem destillandi vinum sublimatum: quia verò minoris emitur quàm vt ab aliquo Pharmacopola preparari queat, confectiōem eius præterimus.

OLEVM LAVRI num.

æ Baccarum Lauri electarum maturarum & contritarum quantum voles.

Ex in aqua diu coquantur & colentur, cumq; infrigidatæ fuerint illud pingue quod supernatat, colligatur.

VIs ei calefactoria vehemens, molliens, tennans, aperiens, discutiens, exiccans. Intemperiem omnem partium frigidam solam, aut cum pituita & flatibus sanat. Cerebri, neruorum, articularum, ventriculi, intestinorum, præsertim colicæ hepatis, lienis, renum, & vteri affectibus frigidis medetur, ac dolorem his succedentem abolet. Rigori febrili spine dorſi illitum, Paralyſi, neruorum vitis, algoribus, Ischiadicis, capitis doloribus inue-

inueteratis ac destillationibus auxiliatur. Auribus illinitur, renum morbis frigore contractis succurrit, lassitudines discutit, venarum spiracula aperit, scabië infestatis & aspera impetigine laborantibus in balneo munctum medicatur. Fugendum tamen in scabië, aut impetigine inflammatione reinante, & calidis ac biliosis naturis, frigidis namq; & pituitosis solum est commodum. Vermes & pediculos enecat, capitis furfures, Ophiusim & Alopeciam delet, capiti tamen calido non admoendum.

FIt in hunc modum. Baccæ Lauri maturæ & recentes teruntur in pilâ, & ex aquâ in lebe-te coquuntur; post totculari plano non cauo exprimuntur in vas subiectum, in quo aquæ supernatans Oleum colligitur. Affusa calenti aqua iterum teruntur, exprimunturq; torculari cauato. Postea colligitur Oleum, & reponitur.

Sunt qui baccas Lauri citra omnem aliam missionem molliunt, ac ita prelo exprimunt Oleum. Fuchsius & Fœsius.

OLEVM LIGVSTRINUM Mesuæ, siue Cyprinum.

Oleum Ligustrinum, quod Arabes de Alcan-na vocant, fit ex floribus recentibus Ligustri florente, vite, aut paulò post, & Oleo veteri

ss 5

cla.

clarissimo ad modum Rutacei Olei.

A Rabibus de Alcanna dicitur, nobis Ligustri-
num quod ex Ligustri floribus fiat. Calefa-
cit & moderatè astringit, emolliendi vim habet,
vulnè ac nervorum affectibus subuenit. Pleuriti-
cis, Opisthorhonicis, & Angina laborantibus suc-
currit. Capillos à canitie vindicat.

OLEVM LILINVM Simplex.

✶ Florum Liliorum alborum abiecto quod
croceum est vncias quatuor.

Olei veteris libram vnam.

Fit vt Oleum Rosatum, ter Lilia renouando.

Dicitur & Crinum, Lilinum, ac Susinum,
resoluit, digerit, concoquit. Dolores à frigo-
re, thoracis, ventriculi, coli, uteri, renum, vesicae,
& nervosarum partium sedat, lenit, mitigat, con-
vulsionibus prodest. Colicis item doloribus inun-
ctum aut suppositum confert, utile est uteri cum
primis ac muliebribus malis, eius praclusiones &
durities soluens, gravidis ad facilem partum au-
xilium est. Ulcera capitis manantia, furfures, va-
ros, feruidasq; eruptiones sanat, vibices cicatri-
cesq; celerrimè ad colorem reducit & omnem in-
flammationem cum vitellis ouorum inunctum
rarefacit. Compositum ob Aromatum admixtio-
nem longè validius, ob id frigidis noxis opportu-
num.

OL.

OLEVM LILIORVM

compositum, Mesuæ.

Flor. Liliorum alborum vncias octo.

Mastiches,

Calami Aromatici,

Costi,

Carpobalsami. ana. vnciam vnā.

Caryophyllorum,

Cinamomi. ana. vnciam semis.

Croci drachmas tres.

Omnia præter Liliorum folia in aqua sufficiens viginti quatuor horis macerentur, deinde paululum coquantur, & additis Lilijs Oleiq; veteris libris duabus aliquantulum bulliant. Tunc omnia iniecta in vas vitreum in sola dies quadraginta: post colatum & bene obstru-
ctum reponatur.

OLEVM LILIORVM

conuallium.

Fit ex floribus Liliorum conuallium & Oleo veteri claro, vt Oleum Liliorum simplex.

S Pasmaticis, conuulsis ac tremulis auxilio est-
frigidis nervorum noxis succurrit. puerulo-
rum termina mitigat.

OL.

OLEVM SEMINIS

Lini.

Viribus proximum Chamemelino & Anchithino, Anodynum est, conuulsionem curat. Articulorum, musculorum, nervorum, ac ceruicis durities mitigat, ani affectibus mirifice confert, sedis abscessus & hemorrhoidum dolores sedans ani fissuras & rimas lenis. Manardus Pleuritidis linctu aut potu exhibebat, quod magnopere probauit Gesnerus, qui in epistola quadam scribit. Iam quater, aut quinquies feliciter propinaui, primum bis ante sesquialia nunc in Pleuritide cruda & maligna, iam desperatis ferè virgini & mulieri, quarum unaqueq; max magna admiratione mea restitui cedit. Postea in ueni in morbo quodam interiore incognito ferè, nec satis iam memini etsi annotari. Quarto in tussi ac Dispnoea ante paucos dies mulieri gutturosa, quæ beri ad me venit & pro hoc consilio gratias egit. Omnibus paulo post soluta est alius satis copiosè. Tres aut quatuor uncias una vice bibi inbeo. Odoris quidem eius grauitas pleriq; adeo molesta & fastidiosa est, ut secundo sumere nollent, sed nullum periculum, nullum incommodum sequitur, & Medicus necessitatem in grauissimis morbis non voluptatem sumentium spectare debet. Si ritè præpararetur, & Medicus domi haberet,

con-

confidentius dari posset, eisi Brassauolus non admodum laudat. Ego pro cognita felicissima & admiranda eius facultate Deo gratias ago. Haec Aenus Gesnerus.

OLEVM LUMBRICORUM terrestrium.

℞ Lumbricorum terrestrium libram semis.
Probe lauentur in vino, deinde immittantur in Olei Rosati Omphacini libras duas, Vini vncias duas.

Coquantur in duplici vase ad Vini consumptionem.

A Nodynus est, cuius foris nervi recreantur, ut quondam in nervorum vulneribus eorundemq; resolutionibus experimur; eisi quibusdam id non parum suspectum videtur.

OLEVM MANDRAGORÆ.

℞ Corticum rad. Mandragoræ libram vnā.
Contundantur, & coquantur in aqua sufficienti, & colato decocto adde.

Succi Hyoscyami albi vncias duas.

Succi Capiti Papaveris nigri vncias tres.

Succi Violarum.

Cicutæ teneræ ana vnciam vnā.

Olei.

Olei communis libras duas.

Opij.

Styracis calamitæ. ana. vnciarum semis.

Succi cum Oleo decem diebus ad solem macerentur, deindè coquantur in duplici vase ad succorum consumptionem, & cola: colato adde Styracem & Opium.

Commendatur ad omnem inflammationem extinguendam, somnum conciliandum, capitis dolores sedandos, Phreneticis, febricitantibus, & vigilantibus conueniens fronti, temporibus ac naribus illitum.

Quia non habentur apud nos Mandragoræ poma, ergò loco succi Mandragoræ pomorum accipiendi sunt Cortices Radicum Mandragoræ.

OLEVM MASTICHINUM, Mesuæ.

❧ Olei Rosati Omphacini libram vnam.

Mastiches vncias tres.

Vini odoriferi vniacs quatuor.

Coquantur secundum artem in duplici vase ad vini consumptionem.

Mediocriter calefacit, astringit, & emollit. Ventriculi coëtricem ac retentricem vim firmat, illitum in lienteria & intemperie frigida fœca salubre existit. Ad Caliacorum, Stomachicorum,

corum, ac Dysentericorum cruciatus utile, tumores duros lenit, cerebrum, nervos & iuncturas roborat, phlegmonis gingivarum, lingua & totius oris medetur, faciem emaculat, & coloris gratiā illitum commendat.

OLEVM MEN-

thæ.

⚭ Menthæ domesticæ crispæ vncias quatuor.

Olei Omphacini libram vnā.

Fit, vt Oleum Rutaceum.

Ventriculo imbecillo & refrigerato adhibetur, eum namq; calefacit, roborat, nauſeam firmat, vomitionem sistit, appetentiam excitat, & concoctionem pronocat. Eligenda est crispa & satina.

OLEVM MOSCHELI-

num, Nicolai Alexandrini.

⚭ Olei puri libras sex.

Vini odoriferi vncias sex.

Folij, aut Macis,

Nardi Indicæ,

Costi,

Mastiches. ana. vnciam vnā semis.

Styracis, Calamitæ,

Croci,

Myrrhæ,

Cyna-

Cinamomi,
 Cassiæ lignæ veræ ana. drachmas sex.
 Carpobalsami, seu Cubebarum,
 Caryophyllorum.
 Bdelli. ana. vnciam semis.
 Moschi drachmam vnam.
 Nuc. Moschat. numero duas.

Folium, Myrrham, Cassiam, Carpobalsamum
 & Bdellium tere, ac per biduum in Vino & o-
 leo macera: postea coque supra lenum ignē
 in duplici vase vsque ad consumptionem Vi-
 ni: deindē cola, & reliqua in tenuissimum pul-
 uerem redacta insperge, præter Moschum; ite-
 rum macera, & coque parumper. Vltimò Mo-
 schum addito; probè omnia misceto, reponi-
 to, ac interdum vas agitato.

*M*oxē^ωω^ω potius dicendum à Moscho, quē
 eius compositionem ingreditur. Frigidis af-
 fectibus est præstantissimum, ventriculo præfer-
 tim debili, quem roborat & calefacit, dolorem la-
 teris illiū sanat. Stranguriōsis, Colicis, ac ner-
 uorum omnibus propè vitis confert, Pomis odo-
 ratis cogendis est aptissimum, & Unguento Arēgon
 aliisq̃ Medicamentis, vt speciebus Lihontribon
 conficiendis.

OLEVM MYRTIL-
 lorum.

✱ O

℞ Olei communis, id est, Oliuarum libras tres.

Baccarum Myrti libram vnam.

Confringantur Myrtilli, & quoniam Myrtus vera apud Germanos non nascitur, neque habemus semper virides Myrtillos sed aridos, vt ex Italia afferuntur, ideò necessum est vt VINO odorato prius aspergantur: deindè misceantur simul ac bulliant secundum artem. Tandem coletur, & reseruetur. Oleum.

M *Τερίνον ἐλάσαι* seu Myrtillorum astrigit, refrigerat, densat, Cerebrum, nervos, & ventriculum astrictione roborat viscerum, phlegmonis utile. Gingiuis, dentium dolori, Dysentericis, Celiacis, vuluæ exulcerata, ulceribus vetustis vel manantibus, nimio affluxu humentibus cum squama eris & cera medetur. Attrita sanat, hyeme contracta, furfures, rhagades, condylomata, articulos luxatos, & omnia quæ astrictione desiderant. Hemoptoicis & sanguinis ex pectore reiectioni confert, & ad arcendam phlegmonem in ulere pulmonis Gal. illinit. Capillos retinet, eorumq; defluuium sistit, adiecto præsertim Labdano Gal. 1. de Comp. Med. secundum loc. cap. 2.

OLEUM MYRTI- num.

Oleum Myrtinum fit ex foliis Myrti, vt
Tt iam

jam dictum Myrtillorum Oleum.

E *Asdem fere vires obtinet quas Oleum Myrtillorum: astringit enim & roborat, ac viscerum laxitatem corrigit.*

OLEUM NARDINVM

Simplex, Mesue.

¶ Olei Sesamini vel Oliuarum dulcis & loti libram vnam semis.

Spicæ Nardi Aromaticæ vncias tres.

Vini,

Aquæ ana. vncias duas semis.

Incidantur minutim & coquantur in duplici vase, donec vinum & aqua in vaporem resoluantur: coletur deinde Oleum, & colatum reponatur, abiecta Nardi Spica.

C *Allefacit, tenuat, digerit, modicè astringit, quocirca ijs auxiliatur qui calore & adstrictione indigent, vt Stomachicis, Cœliacis, destillationi ac thoracis vitio obnoxiiis. Ventericulum firmat, & coctionem procurat. Viscerum phlegmonis, iecoris inflammationi, ac pulmonum ulceribus illinitur. Cerebri & nervorum frigidus affectus sanat, ac aurium dolores mitigat. Tremulis & Paralyticis summum est remedium. Vteri præfociones, occlusiones, & tumores suppositum disscutit, aut etiam iniectum vesicæ dolori renumq; calculis opitulatur. Compositum ad prædicta efficacius.*

OL.

OLEVM NARDINVM

Compositum, eiusdem.

Spicæ Indicæ vncias tres.

Maioranæ vncias duas.

Ligni Aloës;

Enulæ,

Macis,

Calami Aromatici,

Foliorum Lauri,

Cyperi,

Schoenanthus,

Cardamomi. ana. vnciam vnam semis.

Contundantur omnia grosso modo, deinde
affunde illis

Vini.

Aquæ fontanæ ana. quantum sufficit, id est
vtriusq; circiter vncias quatuordecim.

Olei Sesamini libras quatuor.

Macerentur per noctem, deinde coquantur
in duplici vase secundum artem.

Oleum Nucis Indicæ.

NErnuorum dolori confert, thoracem & pul-
mones lenit, clariorem vocem facit, impin-
guat, ac gentile semen auget. Hodie ferè usurpa-
tur ad conceptus procurationem, nec non seminis
incrementum.

Tt 2

OL.

OLEVM NVLCIS MOSCHATAE, expressum.

Ori ventriculi inunctum mire cum roborat, deglutitum calefacit mediocriter, & anhelitum commendat: illitum Veneris tentiginem excitat, Stomachicis quoque frigida & humida intemperie laborantibus conducit.

OLEVM NYMPHÆATUM.

℞ Florum Nymphææ albæ vncias quatuor.

Olei Omphacini libram vnam Macerentur in sole diebus decem, deinde exprime, ac nos flores immitte: tertio idem facito.

Vires habet Violati, refrigerat tamen magis. Cephalalgiam ex febrium incendio, indeque enatum delirium Papauerino mixtum mitigat, insomniam abigit, urinae ardori, intemperatura partium calidarum eorumque ulceri, & vesicae commodum, illitum aut iniectum. Gonorrhœam arceat, tentiginem propellit genitalibus illitum.

Ex floribus Nymphææ luteæ idem paratur, ac iisdem viribus præditum est.

OLEVM E VITELLIS Quorum.

℞ Oua recentia numero centum coquito, donec

n c penitus indurentur. Postea vitellos eorum exime, & comminutos assa in sartagine donec rufescant, & pinguedinem quandam remittant: deinde adhuc feruentes pone in sacculum pilis cōtextum, & exprime, quodque expressum fuerit Oleum reponc.

C Vis foeditatem mihi auferit, cicatricibus de corem addit is precipue quae in ambustis relictae sunt, aurium, dentium, sedis doloribus eiusque reliquis affectibus conuenit. Pilos auget, impetiginem, serpiginem, & alia cutis vitia eluit, lentiginem & foedas oris maculas detergendi ac resoluen- di videlicet, rhagadiis utile, fissuras manuum, pedum, & ani sanat. Dolores vlcerum, articulo- rum, omniumque locorum nervosorum sedat, ad aurium quoque dolores ac vlcera facit. Ambustis utile, & in membranis cerebri partes contusas a sanis mirum in modum separat.

OLEVM PAPAE- rinum.

Capitum Papaueris,
Foliorum Papaueris,
Florum eiusdem. ana. partes aequales.
Olei quantum sufficit.

Incolato in vase vitreo per octiduum, deinde cola, & noua rursus immitte: idem tertium fa- cito. Postremo colatum reponc.

Tt 3

In-

Intemperiem calidam sanat, februum ardores
 ac insomniam mitigat, fronti, auribus, naribus,
 & temporibus illitum somnum frigore & humi-
 ditate conciliat, nec non februum squalorem præ-
 sentem pervigily causam tollit, impinguat, & as-
 persionem arteriam lenit. Renum doloribus ex in-
 temperie calida medetur.

Alioquin ex semine Papaveris Oleū ex-
 mitur ad leuandā insomniam, & februum
 ardorem mitigandum, Dioscoridi exprimitur
 Oleum ex semine albo Hyosciami recente,
 sicco, calida aqua asperso, insolato tritoque,
 quod ad aurium dolores efficax, & in pessis ad e-
 molliendum utile existit. Sed potum cerebri
 motus facit, ac nervis inutile est.

OLEVM NVCLEORVM Persicorum.

Obstructa aperit, aurium & sedis ab hemor-
 rhoidibus dolores ac tumores sanat, lumbrico-
 cos enecat. In renum affectibus iniectum & epo-
 tum valere asserit Manardus.

OLEVM PETRE- læon.

Non est nisi Naphta Babyloniorum. Calefa-
 cit, siccatur, essentia tenuitate in altum pene-
 rat, discutit, ac proinde materiam omnem excre-
 men-

mentosam absorbit. Epilepsia, resolutioni, vertigini, obliuioni, lienis, renum. vesicae, vteri, nervorum articulorumque omnium, aliarum item partium nervosarum doloribus frigidis auxiliatur. Optimū est subalbidum, Rufum minus bonum, Nigrum deterriū. Dicitur Arabibus Oleum Philosophorum Naturale.

OLEVM PHILOSOPHORVM, siue de Lateribus,

Mesuae.

Laterem aut tegulam rufam antiquissimam, ex rufo luto ductam, eam confrige in frustra mediocria, & in prunis vrito donec tota ex canduerit. Deinde è prunis exempta fragmenta restinguito Oleo claro veteri, ac dimittito quousq; se Oleo impleuerint. Postea Oleo exempta in tenuissimum puluerē cōtundiro, atque in retortam aut cucurbitam vitream indito, & secundum artē luto chymico iuncturas vitrorum claudito, ac sub 9 accensis prunis Oleum elcito, & prolectum reponito.

Essentia tenuitate in altum penetrat, digerit, materiam omnem excrementosam consumit. Aurium tinnitui à flatu crasso, isq; verminatib; medetur. Paralyse, Spasmo Cynico, Ischiadi, Gōa-

Tt 4

agra.

gra, Podagra, ceterisq; articularum affectibus prodest. potum aut inunctum Splenis tumores soluit, Comitiales naribus inunctum subito excitat, cerebrum calefacit, memoriam firmat, dentium dolorem sedat: iniectum viro menses prouocat, foetum viuum aut mortuum educit, ora venarum aperit, & sanguinem concretum dissoluit, pulmones purgat ab humoribus crassis & viscidis, oculorum suffusiones delet, vermes interficit, Venenis insuper frigidis potenter resistit, scorpionis morsu & noxas ab Opio aut Hyoscyamo propellit, calculum vesicae pellit, & mirifice commendatur ruptis è doloribus partus.

OLEVM DE PIPE- ribus, Mesuæ.

℞ Piperis longi,
Albi,
Nigri ana. drachmas tres.
Myrobal. Chebulorum,
Emblicorum,
Indorum. ana. drachmas quinq;.
Radicum Apij.
Fœniculi. ana. drachmas tres semis.
Sagapeni,
Opopanacis,
Ammoniacy. ana. drachmas duas semis.
Turbith drachmas duas.

Zin-

Zingiberis drachmas tres.

Surculorum Hyssopi,

Rutæ viridis. ana manipulum vnum.

Coquantur secundum artem in quantitate aquæ sufficienti ad tertias. Colaturæ adde

Olei de Cherua libras duas.

Recoque ad consumptionem aquæ.

Cerebri & nervorum frigidas noxas propellit, quia calefacit, tenuat, terget, discuit, foras educit, obstruētia potenter liberat, calculūq; eo nomine dissipat. Ad Paralyfin, Spasmm, tremorem, Epilepsiam, vteri, coli, renum ac vesicæ affectus frigidos vtilissime adhibetur. Coxariis, nec non articulorum doloribus medicatur. Menses euocat, & ventriculum imbecillum non temere firmat.

Coudenbergius addit Thymi viridis manipulum vnum ad Herbarum decoctionem.

OLEVM EX PISTACHIIIS & PINEIS.

Hepatis & renum dolores potenter lenit, impinguit, semen auget. Ventriculo non ingratum, tussim & thoracis dolorem compefcit, ac intemperiem emendat.

Tt 5

OL.

OLEVM POPVLI- num, Nicolai Alexan- drini.

℞ Olei communis libras septem vncias duas.
Vinilibras quatuor.

Gemmarum Populi arboris recentium Ve-
ris initio collectarum libras tres.

Gemmæ Populi diutissimè terantur, & mace-
rentur in Vino ac Oleo diebus septem; post
coquantur in duplici vase vsque ad consum-
ptionem Vini. Deindè exprimatur Oleum, &
reponatur.

E *Mollit, tenuium est partium & calidum. Ar-
thriticis ac Podagricis utile.*

OLEVM RANA- rum.

R *Efrigerat, ob id Podagram & alias Arthri-
tidis species calidas mitigat, ac incendium
februm ardentium compefcit: fronti & tempo-
ribus illitum somnum conciliat. Preparandi mo-
dus est apud Mesuen.*

OLEVM RESOLV- tium.

℞ Rad. Cucumeris Asinini.

Bryo-

Bryoniæ,

Altheæ ana. libras tres.

Olei communis libras decem.

Insolentur simul integro mense coquantur,
post & exprimentur.

R *Esoluit, digerit, mollit, alta penetrat, ac frigidos & contraxos dolores mitigat.*

OLEVM RICININUM.

C *Aleno & Plinio Cicinum, Arabibus de Cherna dicitur. Prodest psoris, capitis ulceribus manantibus, præcluis ac inuersis muliebris locis, nec non sedis inflammationibus. Cicatricibus sædis decorem addit, aurium doloribus efficax, potu aluum Hydropicorum ciet & ventris animalia pellit, insuper articulorum morbis & ambustis conducit.*

OLEVM ROSATVM vulgare.

R *Olei communis libras quatuor.*

Rosarum rubrarum nondum penitus apertarum vncias sedecim.

Macera & insola per dies octo. Rosas exemptas benè exprimè, atq; alias impone; atq; ita fac tertio, cola, & serua. Nonnulli in tertia infusione Rosas relinquunt.

Vem

Vim habet repellentem, mitigatoriam, concoquentem, & discussoriam. Inflammationes extinguit, roborat, cogit, densat. Rheumatismos sistit, & materierum per corpus fluxum cohibet, Dysenterias potu insigniter iuuat, aluum soluit, ventriculū astuantem restinguit, ad vieri inflammationem pollet, capitis & meningum cerebri vulneribus confert ad eum calefactum iuuat & exsiccatum aut mora in sole, aut a febris, aut alia causa: humectat enim, mitigat, ac somnū inducit. In dolore dentium inter iniuria vtiliter collinitur, ulceribus in capite manantibus & feruidis eruptionibus illinitur. Lumbricos & ascarides potum deturbat, Podagricis doloribus ac inflammationibus, & hemorrhoidibus commode illinitur. Quod Completum dicitur, roborat, resoluit, lenit, & dolorum iniurias sedat.

OLEVM ROSATVM

Omphacinum.

¶ Olei Omphacini, id est, Oliuarum immaturarum libram vnam.
Rosarum rubearum nondum penitus apertarum, sed purgatarum vncias quatuor.
Tritis Rosis ac Oleo impositis, fac vt dictum est, ter Rosas permutando.

OL.

OLEVM ROSATVM

Compositum, Mesuæ.

✱ Olei ex Oliis maturis aqua fontana multoties loti quantum voles. Deinde infunde folia rosarum rubearum apertarum & purgatarum quantum satis est in vitreum vas. Obturetur vas, ac per dies septē in sola, & coque tribus horis in vase duplici. Expres- sis foliis & abiectis recentia immitte: in- sola iterum, coque in Balneo Mariæ & expri- mē vt prius. Tertiò recentia immitte Rosa- rum folia, quibus adde aquæ infusionis Ro- sarum (eo modo confectæ vt in Syrupo Ro- sato dictum est) partem quartam, misce, in- sola dies quadraginta in vase vitreato obtu- rato; post excola, exprime & addito Rosa- rum succo iterum diu in sola.

Alij partem infusionis sumunt, & succi Rosa- rum partem alteram, ac eò quo suprà dictum est modo conficiunt.

OLEVM RVTÆ.

✱ Rutæ recentis incisæ & contusæ quantum libuerit. Pone in vase vitreo, & affunde Olei veteris clarissimi sufficientem mensuram, & macera ad solem, aut in loco aliquo ca- lido diebus quindecim. Deinde in duplici vase

vase coquito, & abiecta Ruta recentem injec-
to, atque iterum quindecim diebus macera-
to. Postea simili modo coquito & exprimito;
ac tertio recentem Rutam injice, macera, co-
que & cola.

Calefacit, tenuat, & digerit, illitum & cly-
steribus iniectum Colicum dolorem sedat,
vitæum phlegma eiciens, laterum, renum, vesicæ
ac vteri dolores à causa frigida iuuat, nervorum
& spine resolutionem inunctum componit. Con-
uulsionibus medetur, & flatus dissipat.

OLEVM SAMBV.

cinum.

Oleum Sambucinum fit ex floribus Sambuci
& Oleo veteri clarissimo, quemadmodum O-
leum Rutaceum.

LEnit, abstergit, cutim expurgat, ittero & he-
pati obstructo confert, articulorum & ner-
uorum doloribus utile, eos namq; roborat. Epotiū
aut iniectum aluum irritat, serosaq; excremen-
ta per inferna educit. Fit quoq; ex medio Sam-
buci cortice similiter macerato Oleum, quod ad
ambusta Italici vsui est.

OLEVM SAMPVS.

chinum, id est, Maioranæ.

Foliorum Sampfuchi manipulos quatuor.
Serpil-

Serpilli manipulos duos.

Foliorum Myrti manipulum vnum.

Abrotani,

Sisymbrij seu Menthae aquaticæ. ana. manipulum semis.

Cassia lignea præcencias duas.

Olei Omphacini quantum sufficit.

Concédito & contundito omnia, ac impone in vitrum, & infunde Oleum ut supra Species emineat: tum obstructo vasis orificio macera ad solem diebus octo. Postea exprime, & expressum Oleum infunde recentibus Speciebus, & hoc etiam tertio facito.

Σ *Αμφοχρον* Acopum est, & lassitudinibus vitile, frigidis cerebri & nervorum vitiis prodest, spina in balneo inunctum Paralytim inuat, & Spasmodum Cynicum naribus immissum, aut ore detentum, ac sternutamentum leuiter ciet In Opisthoronicorum & Vulsorum cataplasmata additur. Auribus immissum, tinnitum à flatu dissipat. Ad uteri præclusiones & conuersiones efficax, Menses Secundas, ac partus extrahit, uteri stragulatam recreat, & Scorpionum moribus medetur.

OLEVM SCORPIONVM

Simplex, Mesuæ.

Scorpionū numero triginta. Olei Amygdalarum

larum amararum libras duas.
 Macerentur in vase vitreo stricti orificij per
 dies triginta caniculares, vel aliàs totâ astate
 calidissimis diebus, postea colatum ad vsus
 reponere.

Vesica ac renum calculum dissipat, lumbis,
 pubi, perineo in Soli egressu illitum, & in po-
 rum urinarium immissum. Venenis præcipuè à
 Scorpio ictis, ac Pestilentia adeò resistit, ut eius
 solo usu quendam cum famulatio a Pestilentia
 contagione servatum scribat Manardus, &
 ex sola inunctione aliquos esse liberatos, qui se-
 uissima venena biberant. Compositum ad prædi-
 cta multò validius ac efficacius existit.

OLEVM SCORPIO- num Compositum, E- iusdem.

✶ Aristolinchia rotundæ veræ.
 Gentianæ,
 Cyperi,
 Cort. radicum Capparorum. ana. vnciam
 vnam.

M Olei Amygdalarum amararū libram vnam
 femis.

Macerentur in Oleo contusæ Radices ad so-
 lem feruidum, deindè coquantur aliquantu-
 lum.

lum in duplici vase injectis ad vltimum Scorpionibus numero viginti: postea iterum serenis diebus triginta ad solem macerentur. Postremo excolatum Oleum reponatur.

OLEUM SCORPIO- num Magnum, Matthioli.

✱ Olei Oliuarum vetustissimi libras tres.

Fol. Hyperici virentis ac modicè conquassati manipulos tres.

Insolentur simul in vase vitreo probè obturato recondita per dies decem vel duodecim, dehinc in calente Balneo Mariæ macerentur horis viginti quatuor, tum verò colentur & exprimantur.

HOC FACTO.

✱ Hyperici,

Chamædryos.

Calaminthæ.

Cardui Benedicti ana. manipulum vnum.

Herbæ prius contusæ Oleo admisceantur macerenturq; in Balneo per triduum, postea colentur & exprimantur.

POST HÆC.

✱ Florum Hyperici à caulibus repurgatorum, ac modicè contusorum manipulos tres.

Submergantur in eodem Oleo, ac per triduum

Vu

itidem

itidem in Balneo macerentur, colentur & exprimantur, eandem infusionem reassumptis semper recētibus floribus ter vel quater reitendo donec Oleum sanguineum colorem acquirat.

HIS PERACTIS.

✶ Granorum viridium Hyperici quod defloruit, in cacumine plantæ natorum in quibus semen continetur manip. tres.

Contundantur & vino albo meraco perfusa in prædictum Oleum immissa per octiduum insolentur, postea verò tridui spatio in Balneo macerentur, colentur & exprimantur, laborem hunc novis semper reassumptis seminibus ter vel quater sic repetendo, ut Oleum obscuri sanguinis colorem referat. Tunc verò

✶ Scordij recentis,

Calaminthæ,

Centaurij minoris,

Cardui Benedicti,

Verbenacæ,

Dictamni Cretici ana. manipulum semis.

Tusa ac in Oleo priore demersa per biduum in Balneo macerentur, colentur & exprimantur ut supra.

P O S T E A.

✶ Zedoariæ,

Rad,

Rad. Dictamni albi,
Gentianæ,
Tormentillæ,
Aristolochiæ rotundæ ana. drachm. tres.
Scordij manipulum vnum.

Hæc omnia rursus in Balneo affuso priore Oleo per triduum rursus macerentur, coquantur & exprimantur.

Expresso &colato huic infunde denuo.
Styracis Calamitæ.

Laseris seu Benzoini ana. drachmas sex.

Baccarum Iuniperi vnciam semis.

Melanthij drachmas duas.

Cassie lignæ, vel Cinamomi odoratissimi
drach. nouem.

Iunci odorati seu Schoenanthus,

Cyperi rotundi. ana. drachmam vnam semis.

Santali albi vnciam semis.

Contusa in Oleum immittantur, rursusq; vt
antea per triduum in eodem rorido Balneo
macerentur, rum colatum ac expressum Oleū
calens superinfundatur trecentis Scorpionibus
viuis diebus canicularibus lectis, qui prius
vitreo vase conclusi, ac calidis cineribus superimpositi in iram exarserint & sudare
inceperint. Hi vnâ cum hoc Oleo tridui spatio
in Balneo macearati exprimantur, Oleūq; ab-

Vu 2

iectis

iectis Scorpionibus percoletur.

In hoc rursum infunde.

Rhabbarbari se lectissimi,

Myrrhæ.

Aloës hepaticæ ana. drachmas tres.

Spicæ Indicæ drachmas duas.

Croci drachmam vnam.

Theriacæ,

Mithridatij ana. vnciam semis.

Tundenda contendantur, ac cum cæteris Oleo prædicto immergantur, macerenturq; sic simul omnia in Balneo calente per triduum, postea absque colaturâ reponantur in vsum.

Viperarum, Aspidum, ac venenatorum animalium moribus auxilio est. Pulsibus ac extima cordis parti ad sinistram mammillam inunctum repetitâ per ternas horas illinitione omnibus venenis per os sumptis, si modo ea erodentia non fuerint, efficacissimè succurrit, quin etiam pestiferis morbis sic adhibitum medicatur, nec non ab ipsâ præseruat.

OLEVM SESAMINUM.

Olim ex Alexandria Egypti Venetias, & inde ad nos comportabatur succerum, adulteratur tamen Oleo Nucum & Papaueris. Hodie apud nos paratur ex Sesamo, clarum est & candi-

candidum, gustu in cibis ac dulcedine delicatissimum. Vires habet inpinguandi, semen genitale augendi, asperitates & durities leniendi, siquidem asperam arteriam emollit, ac clariorem vocem reddit. Aurium dolores sanat, & ulceribus quæ serpunt ac mali moris sunt (Cacoëthe vocant) modetur. Pectori & pulmonibus confert. Pleuritidi accommodatum. Puerorum tussim sedat, cum Saccharo Candi paulatim deglutitum.

OLEVM SPICÆ.

Oleum Spicæ fit per destillationem ex maiori Lauendula quæ Spica vocatur.

Calidum est & siccum, ac tenuium planè paritium, unde Podagra frigida auxiliatur. Odore vires reficit, ac pediculos & cimices illitu profugat.

OLEVM STOMACHALE Cratonis lib. 2. conf. 113.

¶ Olei Absinthij libram vnam.

Summitatum Absinthij manipulum vnū.

Caryophyllorum,

Santali Citrini. ana. drachmas duas.

Rosarum rubearum,

Macis. ana. drachmam semis.

Mastiches. drach. duas semis.

Vini odorati libram semis.

Vn 3

Co-

Coquantur secundum artem, & ponantur
in sole.

Hoc Oleum Crato mirifice predicat in ven-
trici doloribus & infirmitatibus, maxi-
me vero frigidis, quod cū Medicis nostris crebro
usu seruiat, merito huic Pharmacopœia nostra in-
serendum esse censuimus.

OLEVM EX STY- race.

℞ Styraçis vncias tres.

Olei communis libram vnā,

Vini quantum sufficit.

Coquantur in duplici vase ad Vini consump-
tionem.

Calefacit vehementer & emollit, ob id con-
fert dolentibus à frigore reñibus, defice v-
tero, musculis, iuncturis, tendinibus, eorumq; du-
rities insigniter emollit. Ad neruorum iniuria &
vulnera foris commodum, ob id Chirurgis expe-
ditum, ac ad scabiem efficac; ut scribit Manar-
dus addit a Hellebori albi octaua portione.

OLEVM EX TAR- taro.

℞ Tartari libras quatuor.

Pone in ollam, & vre in fornace cum late-
ribus aut regulis, aut fictilibus, vel per se do-
nec

nec omnino excandescat Tartarum. Postea impone in sacculum ex laneo panno factum, ac suspende in cellario, tum distillabit ex eo clarius quidam liquor, quem reponere.

Valeat ad faciem iergendam & cutim erugendam, scabiem ac impetigines sanat. Eo utuntur quidam ad ulcera capitis manantia, ut Oleo de Nitro, quod in officinis quibusdam parari consuevit. Chymici quintam essentiam Tartari aduersus abscessus internos ac morbum regium commendant. Vide varias eius compositiones apud Fæsum & Euonymum.

OLEVM TEREBIN- thinæ.

Refinæ Terebinthinæ aut Laricinæ libras quatuor.

Pone in capacem retortam siue cucurbitam vitream, & per artem destillatoriam elice eius oleum, ita ut cucurbita aut retorta arenæ imponatur. Primò autem cum aqua exhibit oleum tenue ac clarum, secundò aurei coloris, vltimò fuscum & crassum, horum vnumquodq; per se auferto ac reponito.

Frequentè usurpatur ad neruorum affectus frigidos ceterasq; omnes noxas internas ex frigido contractas. Anhelatores, Asthmatici.

Va 4

cos,

cos, & puris in thorace collectiones mirifice inuat.
Colicis cruciatibus utile, flatu enim internos po-
tenter dissipat, cicatricibus gratiam addit, earūq;
maculas extirpat. Calculum educit, & arenas pro-
mouet. Dysuria ac renum offensis valde accom-
modatum.

OLEVM E FLORIBVS

verbasci.

Fit insolatis in vase vitreo, vt etiam è floribus
Rorismariui.

AD Podagricos & alios dolores praesertim cali-
dos laudatissimum. Commendatur etiam
in Hemorrhoidibus. Vide Euonymum fol. 496.

OLEVM VIOLA-

ceum.

Oleum Violaceū seu Violarum fit ex floribus
Violarum ac Oleo Oliuarum, quemadmodum
& Rosaceum.

ERigidum ac humidum est tenuium partium,
leniens & modicè aperiens, ad furentes inflā-
mationes idoneum. Intemperiem calidam extin-
guat, phlegmonas omnes sedat, arteria asperitatē
pulmonis & thoracis lenit inuncto thorace, vnde
& Tabidis & Hecticis praesenti est remedio. Phre-
neticis ac Vigiliis fronti & temporibus impositū
somnum cōciliat, hepatis ac praecordiis adhibitum
februm ardentium aestus intolerabiles mitigat.
requir

*renum & iecoris immoderatum calorem restim-
guit.*

OLEVM VULPINVM, Mesuæ.

■ Vulpem integram exemptis interaneis.

Aquæ fontanæ,

Aquæ marinæ. ana. libram vnā semis,
aut q. s.

Olei veteris clari libras quatuor.

Salis vncias tres.

Coquantur. & inter coquendum adijce

Anethi,

Thymi. ana. libram vnā.

Coquantur donec ac ossibus recedat caro & a,
qua consumatur, deinde coletur Oleum ac re-
ponatur.

Potentissima in digerendo & discutiendo fa-
cultatis est, quo nomine ad nervosi generis in-
iurias frigidas & articulares affectus precipue
valet.

Vulpes benè habita & vegeta, non strigosa,
qualis per vindemiam vuis nutrita & im-
pinguata capitur, ætatis mediæ, non juuencula
aut recens nata esto, quam exenteratam semia-
nimem Oleo incoquant.

OLEA DESTILLATA. OLEVM

OLEA DESTIL-
lata.

Oleum Ammoniacy.

Anisi.

Arsenici.

Benzoini.

Caryophyllorum.

Carui.

Chamomillæ.

Cera.

Cinamomi.

Cort. Arantiorum.

Cort. Citri.

Cymini.

Gummi Elemi.

Fœniculi.

Galbani.

Guaiaci.

Lauendulæ.

Laudani.

Macis.

Maiorana.

Mastiches.

Mellis.

Nitri.

Nucis Moschatæ.

Rorismarini.

Rosa-

Rosarum.

Rutæ.

Salis.

Saluiæ.

Saponis.

Saturni.

Spicæ.

Succini.

Stibij.

Styracis.

Sulphuris.

Vitrioli.

Zopiffæ, &c.



ME-